

光緒順天府志

人物志十五

光緒順天府志一百五

雜人下

黃岡洪良品纂江陰繆荃孫覆輯

宋

趙安易

劉審瓊

劉廷讓

楊崇勳

劉重進

遼

趙徽

楊遵勛

耶律儼

金

韓常

劉箬

劉樞

馬諷

王蔚

孫卽康

劉頰

完顏霆

李蹊

宋珪

元

王實喇

明

楊善

張敏

殷謙

周壽

子玟弟吉祥

鄧瑋

施純

張禴

史道

趙錦

李偉

子文全文貴文進文

冉興讓

方從哲

馮三元

張維

李壽

國朝

馬光遠

馮鈞

孫承澤

劉餘祐

宋

趙安易字季和普弟初爲府州錄事參軍遷河南推官折德展言

其清

宋史附趙普傳

會普居相位十年不赴調

宋史列傳

太平興國中拜監察

御史知興元府轉殿中侍御史賜緋魚袋

宏簡錄

先是兩川民輸稅

者以鐵錢易銅錢

宋史列傳

鐵錢十納銅錢一時銅錢已竭民甚苦之

商賈爭以銅錢入川界與民互市銅錢一得鐵錢十四物價滋長

鐵錢彌賤

宋食貨志

安易言其非便請許納鐵錢詔從之九年起拜宗

正少卿知定州會以曹璨知州徙安易爲通判未幾代歸又表外

任命知耀州留不遣命按視北邊事

宋史列傳

淳化二年安易言嘗使

蜀見所用鐵錢至輕市羅一匹爲錢二萬堅請改鑄一當十大錢

御書錢式遣詣川陝路諸州冶鑄所在並爲御書錢監諸州舊貯

小鐵錢悉輦送官民間小錢許送監計數給以大錢若改鑄未集

許民大小兼用

宋食貨志

下都省集議

宋史列傳

眾皆以爲不便

宋食貨志

而安

易論請不已仍募工鑄大錢百餘進之極其精好俄墜殿階皆碎

太宗不之詰猶嘉其用心賜以金紫且遣其典鑄既而大有虧耗

宋史

列傳一歲纔成三千餘貫

宋食貨志

眾議喧然

宋史列傳

遂罷冶鑄五年安

易復請不許

宋食貨志

厯知襄廬二州遷宗正卿時屬籍未備奏請纂

錄命與梁周翰同修

宋史列傳

安易略涉書傳性強狠好談世務而疏

濶不可用初太祖嘗問農政安易請復井田之制又以其家本燕

薊多訪以邊事景德初

宋史列傳

詳定明德皇太后立主升祔與判院

孫何議論往復

宋史列傳

何等上言安易荒唐庸昧妄有援引以大功

之親比三年之制欺罔君上乃至於斯况安易以訐直自負所詆

者無非良善以清要自高所尚者無非鄙俗名宦之志老而益堅

詩書之文惜而不習本院所議並明稱典故旁考時宜雖曰從權

粗亦稽古請依元議施行從之安易又屢言陵廟事詞多鄙俚

宋史

傳列晚歲進趨不已時論嗤之卒年七十六子承度國子博士孫從

政奉禮郎宏簡錄案宋史

作太常寺奉禮郎

劉審瓊涿州范陽人家素貧漢乾祐中宋史劉審瓊傳湘陰公贊爲徐州

節度使舊五代史湘陰公贊傳審瓊始隸帳下周祖受命遁去依永興軍節

度使劉詞頗委任之詞卒屬太祖節鎮給事左右及受周禪補殿

直從平澤潞改供奉官開寶中累遷至軍器庫使宋史樞密使李

崇矩與宰相趙普厚相交結有鄭仲者客崇矩門下崇矩知其險

誠無行待之漸薄仲怨恨擊登聞鼓告崇矩受太原人席義叟黃

金私託翰林學士扈蒙與義叟甲科續資治通鑑四引審瓊爲證宋史帝

大怒召審瓊詰問審瓊具言其誣帝怒稍解續資治通鑑遂出知鎮州

宋史大平興國四年續資治通鑑按宋史作七年攷太宗征河

正月庚寅詔先遣潘美將兵伐河東三月庚辰朔至眞定稽古駐

蹕月餘審瓊儲侍無闕遷領檀州刺史知潭州州素多火日調民

積水爲防民甚勞之審瓊至悉罷之以爲民便宋史列傳徙知河陽遷

坊州刺史涿州吳志年八十餘筋力不衰鬚髮黧黑至道三年卒於官

宋史列傳

劉廷讓字光父其先涿州范陽人宋史列傳滄州節度守文之孫一統志

案宋史本紀太祖伐蜀有劉光義太祖拒遼有劉廷讓又考列傳

劉廷讓本名光義後避太宗諱更名因卽以原名爲字而改義從

又史特未之詳耳薛應旂以父延進避守光之亂與廷讓皆南奔

光義廷讓爲兩人殊失考核廷讓少有膂力隸周祖帳下宏簡錄百廣順初補內殿直押班累

遷龍捷都校從世宗征淮南以功領雷州刺史再遷洪州訓練使

領鐵騎右廂宋初轉江州防禦使領龍捷右廂從征李筠爲行營

先鋒使宋史列傳建隆二年改侍衛馬軍都指揮領江甯軍節度使宏簡

每乾德二年興師伐蜀命王全斌爲西州行營都部署廷讓副之

案原作光義今改

將步騎六萬分道伐蜀廷讓及彬等由歸州進

通鑑輯覽七十

二入境連破松木三會巫山等砦獲蜀將南光海擒戰權指揮袁

德宏奪戰艦三百餘艘俘水軍三千人因渡南岸復斬首三千餘

級宏簡錄

初夔州有鑲江爲浮梁上設敵棚三重夾江列礮具廷讓

等行帝示以地圖指鑲江曰我軍泝流至此慎勿以舟師爭勝當

先以步騎陸行襲擊之俟其勢却卽以戰權夾攻取之必矣及師

至夔距鑲江三十里舍舟步進先奪浮梁復牽舟而上

宋史紀事本末守

將高彥儔

宋史列傳

謂監軍武守謙曰北軍涉遠而來利在速戰不如

堅壁以待之彥儔力戰不勝自焚死後數日廷讓得其骨於灰燼

中以禮葬之

宋史紀事本末

遂進克萬施開忠四州峽中郡縣悉下次遂

州守將陳愈率吏民來降遵命出府庫金帛以犒將士

宏簡錄

初出

師太祖命之曰所得郡縣當傾帑藏爲朕賞戰士國家所收唯土疆爾故人皆効命所至成功蜀平王全斌等皆坐縱部下掠奪子

女玉帛及納賄賂左降惟廷讓秋毫無犯及全師雄作亂

宋史郡列傳

縣爭應崔彥進高彥暉等爲師雄所敗

通鑑輯覽

廷讓又與曹彬破之

以功改領鎮安軍節度

宋史列傳

征太原拜鎮甯軍節度使太宗召爲

右驍衛上將軍北征失律罷節鎮居環列旣而契丹擾邊議遣將

因擢知雄州徙瀛州爲兵馬都部署

宏簡錄

是冬契丹數萬騎來侵

廷讓與戰君子館時天大寒兵士弓弩皆不能發契丹圍廷讓數

重

宋史列傳

初廷讓分精兵屬李繼隆爲後殿令綏急相援及是繼隆

退保樂壽廷讓一軍皆沒僅以數騎獲免請闕待罪上知爲繼隆

所誤不之責復命知雄州有疾求歸京師不俟報遽離屯所帝怒

下臺按問削秩配隸商州遂怏怏不食終於華州年五十九

宏簡錄

帝錄其舊勳贈太師

宋史列傳

楊崇勳字寶臣蘄州人

案東都事略五十作蘇州人而宋史宏簡錄蘄州志皆作蘄州人今從之

祖守

斌事太祖爲龍捷指揮使父全美事太宗爲殿前指揮使

宋史列傳

勳初蔭爲東西班承旨事真宗於東宮

宏簡錄百二十八

真宗爲開封尹

呼通衢中鐵盤寺一替者令張善夏守斌及崇勳左右數輩揣聽

聲骨因以爲娛

王壺清話六

帝符曰聞若嗜學吾授若書崇勳自是稍

通兵法及前代廢興之事

宋史列傳

真宗卽位授左侍祭

東都事略五十四

西頭

供奉官寄班祗候

宏簡錄

雷有終討王均

宋史列傳

斬其首獲僭僞法物

旌旗甲馬甚眾擒其黨六十餘人賊旣平遣崇勳乘傳告捷賜崇

勳錦袍銀帶器幣

宋史雷有終傳

擢內殿崇班累遷西上閣門使羣牧都

監改副使以左衛大將軍恩州刺史爲樞密都承旨尋提舉樞密

諸房通進銀臺司事

宋史列傳

未幾領英州防禦使

宏簡錄

寇準罷相真

宗寢疾仁宗在東宮

東都事略

宦者周懷政東宮官也陰謀奉帝爲太

上皇而傳位太子殺丁謂而復相準崇勳以其謀告謂謂卽徵服

夜乘轎車挾崇勳詣曹利用議明日以聞

通鑑輯覽

遂誅懷政擢崇勳

鄧州觀察使辭不拜以內客省使桂州觀察使兼羣牧使屬天下

久罷兵有言鸞廐馬者崇勳曰馬者兵之用而戰之備也雖無事

其可去耶議遂格

東都事略

仁宗卽位厯馬軍副都指揮使殿前都指

揮使振武軍節度使拜宣徽南院兼樞密副使宮中火爲修葺副

使

宋史列傳

嘗詣中書白事而崇勳穿泥鄴登政事堂宰相王曾劾其

失詔送宣徽院問狀翼日曾請傳詔釋其罪章獻后問其故曾曰

崇勳武臣不知朝廷之儀舉奏者宰相所以振紀綱寬釋者人君

所以示恩德如此則仁愛歸於上而威令肅於下矣

東都事略

章獻與

仁宗言先帝最稱崇勳質信可任大事乃進樞密使

宋史列傳

坐上章

懿后册遜宰相張士遜過園亭飲酒中丞范諷劾罷以同平章事

領節河陽三城判許州改陳州

宏簡錄

崇勳性貪鄙在藩鎮日營役

兵工作木偶戲人塗以丹白舟載鸞於京師

宋史列傳

喜中傷人每對

上輒肆言中外事人以是畏之

宏簡錄

既加使相而論者以爲寵太

過周懷政之弟懷信訟崇勳誣其兄乃罷平章事知壽州

東都事略

契

丹將渝盟朝廷選將備邊復拜同平章事判定州以老不任事徙

成德軍又徙鄭州

宏簡錄

坐其子宗誨納賂枉法以左衛上將軍致

仕改太子太保卒

宋史列傳

年七十贈太尉有司諡曰恭密詔更爲恭

毅崇勳口給狡桀而於御軍頗有法

東都事略

劉重進幽州人本名晏僧梁末隸軍籍善譯語無他才能值契丹

入中原

宋史列傳

晉主事契丹甚謹奉表稱臣吉凶慶弔歲時贈遺玩

好珍異相繼於道

通鑑二百一十四

重進以習契丹語應募使北邊改右

班殿直因賜是名遷西頭供奉官再使契丹契丹主以其敏慧留

爲帳前通事

宋史列傳

契丹滅晉

新五代史

署重進忠武軍節度漢初

移鎮鄧州漢法禁牛革甚嚴州民推彥陳寶選八人自本鎮持革

詣漢祖廟鞞鼓重進杖遣之判官史在德謂重進不善用法宜置

極典及大理刑部詳覆重進所斷爲是在德坐故入杖死之乾祐

末罷鎮來朝

宋史列傳

漢主聞郭威舉兵南向讓發兵拒之聞郭威已

至河上復遣重進帥禁軍與侯益等會屯赤岡

通鑑二百八十五

威至封

即人情恟懼稍稍降於北軍重進潛往見郭威威各遣還營

通鑑紀事

本周廣順初從征兗州

宋史列傳

設長岡慕容彥超屢出戰皆擊敗之

通鑑紀事本末

封薛國公俄召爲右神武統軍累加檢校太師世宗南征

爲右廂排陣使顯德三年

宋史列傳

帝詢知揚州無備

通鑑二百八十六

遣韓

令坤與重進

宋史列傳

將兵襲之

通鑑二百八十六

以數騎馳入城城中不之

覺

通鑑紀事本末

又爲先鋒都部署

宋史列傳

攻唐泰州拔之刺史方訥奔金

陵

通鑑紀事本末

初楊行密子孫居海陵號永甯宮周師渡淮盡爲李景

所殺重進入其家得玉硯玉杯盤水晶盞碼碯椀翡翠瓶以獻俄

命判廬州行府事兼行營都部署敗淮人千餘於州境及世宗再

巡

宋史列傳

渡淮抵壽春城下軍於紫金山南擊唐先鋒寨及山北一

寨皆破之

通鑑二百八十七

重進殺三千餘眾

宋史列傳

由是唐兵首尾不能

相救

通鑑二百八十七

及下壽州以功授武勝軍節度使淮南平改鎮邠

州世宗北征爲先鋒都指揮使關南旣復宴諸將於行宮議取幽

州諸將以爲虜騎皆聚幽州之北未宜深入上不悅是日趣重進

先發據固安宋初封燕國公建隆二年授右羽林統軍乾德五年

改左領軍衛上將軍嘗從幸玉津園太祖召與語旣退謂左右曰

觀重進應對不逮常人前朝以爲將帥何足重耶六年卒年七十

宋史
列傳

遼

趙徽南京人

遼史列傳

重熙五年與宗親試進士賦以日射三十六熊

爲題賜徽及第授右補闕累遷大理正

宏簡錄二百十

清甯二年銅州人

妄毀三教徽按鞠之以狀聞稱旨愆煩劇有能名累遷翰林學士

承旨咸雍初爲度支使三年拜參知政事出爲武定軍節度使及

代軍民請留

遼史列傳

太康元年由樞密院同知進南府宰相兼門下

侍郎平章事二年致仕卒追贈中書令諡文憲

宏簡錄

楊遵勛字益誠涿州范陽人重熙十九年登進士第調儒州軍事

判官累遷樞密院副承旨咸雍三年爲宋國賀正使還遷都承旨

遼史列傳

簿書叢委遵勛一目五行俱下剖決如流敷奏詳敏上嘉之

奉詔徵戶部通錢得四十餘萬緡拜樞密直學士改樞密副使

宏簡

錄百太康初參知政事徙知樞密院事兼門下侍郎平章事拜南

府宰相耶律伊遜

原作乙辛

誣太子詔邊助與推克

原作燕哥

案其事邊助

不敢正言時議短之尋拜北府宰相

遼史

大安中暴卒年五十六

贈守司空謚康懿子晦終昭文館學士

宏簡錄

耶律儼字若思析津人本姓李氏父仲信重熙中始仕清甯初同

知南院宣徽使事四年城鴨子混同二水閒拜北院宣徽使咸雍

初坐誤奏事出爲榆州刺史俄詔復舊職遷漢人行宮都部署

遼史列傳賜姓耶律封韓國公九年改南院樞密使

宏簡錄

二百十時樞臣伊遜

原作乙辛

等列傳以事誣皇后皇后既死伊遜不日安又欲害太子

遼史

傳 詔與仲信同鞠蔓引無辜未嘗雪正遂得薦拔拜廣德軍節

度使尋卒謚欽惠

宏簡錄

儼儀觀秀整好學有詩名登咸雍進士第

守著作佐郎補中書省令史以勤敏稱太康初歷都部署判官將

作少監後兩府奏事論羣臣優劣唯稱儼才俊改少府少監知大

理正賜紫六年遷大理少卿奏讞詳平明年升大理卿丁父憂奪

服同僉部署司事

憲史列傳

大安初爲景州刺史繩胥徒禁豪猾善政

流播郡人刻石頌德

畿輔志七十一

二年改御史中丞詔案上京滯獄

多所平反擢宣徽院事仍提點大理寺六年冬改山西路都轉運

使剗剔垢弊奏定課額益州縣俸給事皆施行壽隆初以母憂去

召復舊職宋攻夏李乾順遣使求和解帝命儼如宋平之遣拜參

知政事六年駕幸鴛鴦深召至內殿訪以政事道宗晚年倦勤用

人不能自擇令各擲骰子以采勝者官之

宏簡錄

儼嘗得勝宋上曰

上相之徵也遷知樞密院事賜經邦佐運功臣封越國公修皇朝

寶錄七十卷帝大漸儼與北院樞密使阿蘇

原作阿思

同受顧命乾統

三年徙封秦國六年封漆水郡王天慶中以疾命乘小車入朝疾

甚道太醫視之苑贈尙父諡曰忠毅

遼史列傳

儼爲人性素廉潔一介

不取於人經籍一覽成誦然專務逢迎善伺人主意固結上心他

勿恤也

宏簡錄

妻邢氏有美色嘗出入禁中儼教之曰慎勿失上意

由是權寵益固

遼史列傳

人以其薄之從子處溫

宏簡錄

自有傳

金

韓常字元吉燕山人也父慶和在遼爲統軍太祖入燕常隨父降

俱受千戶慶和入侵江南累戰有功後授副統屯眞定正授雄州

觀察使

大金國志列傳

常善射以挽強見稱射必入鐵

大金國志列傳

守慶源見

小民有衣犢鼻者亦責以漢服斬之

大金國志本紀五

宗弼渡江常爲先

鋒至湖南與向子諶戰子諶不能敵攻圍八日城破宗弼自江黃

南渡令常竟趨循信以爲援兵宗弼攻明州常以兵從與張俊戰

于高橋俊遁宗弼自江南歸論功仍陞爲萬戶都統屯河中府未

幾隨之陝西

大金國志列傳

與張浚戰于富平宗弼陷重圍中流矢中常

目怒拔去其矢血淋漓以土塞創躍馬奮呼搏戰遂解圍

金史宗弼傳

以此受知於宗弼首尾陝西凡數年必隨從其後順昌之戰常在

白龍洲渦下寨距城三十里宋劉錡以千餘騎擊之眾頗死傷宗

弼既敗

大金國志列傳

至陳州數諸將之罪自常以下皆鞭之于是復以

常守許州

大金國志本紀十一傳作以常守潁昌府徵異

案列

方宗弼未南征之先常爲

濬州守一日與其判官宮茵論南北兵戰之事茵曰此非南之所

能敵蓋諛之也常曰不然今昔事異昔我強彼弱今我弱彼強所

幸者南人未知北間事耳至順昌之敗其言果驗

大金國志列傳

劉善大興宛平人彥宗次子幼時以廕隸閤門不就去從學遼末

調兵而善在選中遼兵敗左右多散亡乃選善爲扈從授左承制

遼主西奔蕭妃攝政賜善進士第授尙書左司員外郎寄班閤門

天輔七年太祖取燕筈從其父兄出降遷尙書左司郎中

金史列傳至

殿中少監太祖崩宋夏遣使弔慰凡館見禮儀皆筈詳定遷衛尉

少卿西上閤門使仍從事元帥府得便宜從事凡約束廢置及四

方號令多從經畫焉天會二年遷太常少卿東上閤門使

宏簡錄二百二

十從宗翰伐宋圍太原遷衛尉卿權簽宣徽院事四年授左諫議

大夫秋復南征權中書省樞密院事

金史列傳

父憂起復直樞密院加

給事中七年爲禮部侍郎十年改彰信軍節度使天眷二年轉左

宣徽使熙宗幸燕法駕儀仗討論爲多

宏簡錄

皇統二年三月遣筈

以袞冕圭册册宋康王爲帝

金史熙宗紀

案列傳既至臨安而

宋人勝其居曰行宮筈曰未受命而名行宮非也請去勝而後行

禮

金史列傳

宋人欲結以厚賄不願五年爲行臺右丞相兼判左宣徽

事留京師

宏簡錄

或請釐革河南官吏之濫雜者筈曰廢齊用兵江

表求一切近效其所用人不必皆以章程故有不由科目而爲大吏不試弓馬而握兵柄者今撫定未久姑收人心奈何爲是紛更

也遂仍其舊七年帥府議於館陶築三城

金史列傳

有警卽令北軍入

居之筈曰今天下一家孰爲南北設或有變軍人入城獨能安無

恙耶惟當嚴示武備以察奸宄無徒分別彼此之間時秦人在夏

國者數千皆願來歸諸將約以河外三州賜之

宏傳錄

筈曰三小州

不足爲輕重恐失朝廷大信且秦人之在蜀者倍多於此何獨捨

彼而取此乎遂從筈議陝西邊帥請完沿邊城郭以備南寇筈曰

我利車騎而不利城守今城之則勞民而結怨况盟已定豈可妄

動遂罷之九年八月

金史列傳

以筈爲司空行臺右丞相如故

金史宗紀

九月拜平章政事封吳國公天德元年改封滕王二年拜右丞相

兼中書令進封鄭王

宏簡錄

以疾求解政務授燕京留守進封曹王

苦自爲宣徽使以能得悼后意致位宰相海陵卽位意頗鄙之金史

列傳居數月乞致仕詔曰不爲暗於臨事不爲諂於事君未許告歸

姑從解職善因是慚懼卒宏簡錄年五十八金史列傳

劉樞字居中通州三河人少以良家子從軍屯河間同輩皆騎射

樞獨刻意經史金史列傳天眷二年成進士仕唐山縣主簿轉飛狐令

時蔚州刺史恃功貪汙三河陳志無所顧忌屬邑皆厭苦之樞一無所

應乃摭以他事繫獄將致之死金史列傳會廉察使至得直抵刺史并

卒以下罪宏簡錄二獨樞錄治狀入優等躡遷奉直大夫金史列傳張

浩營建燕京宮室選樞分治工役遷刑部員外郎鞫治太原尹圖

克坦額略楚克原作徒單反狀旬日獄具轉工部郎中宏簡錄進本

部侍郎正隆末從軍還自江上大定初出爲西京路轉運使事初

世宗欲復用樞等御史臺奏樞等在正隆時皆以巧進敗法竄政

人多怨嫉之上以樞等頗幹濟猶用之戒之曰能悛心改過必加

升擢不然則斥汝等矣是時珠勒根彥忠爲南京轉運不閑吏事

故用樞以佐之遷山東路轉運使金史列傳又轉中都路轉運使大定

四年卒於官三河陳志

馬諷字良弼大興灤陰人一統志隨燕入宋游學汴梁登宣和六年

進士宗翰克汴京諷來歸宏簡錄二皇統初復登進士一統志調蔚

州廣靈丞遷雄州歸信令境有河曰八尺口每秋潦漲溢害民田

諷視地高下疏決之其患遂息召爲尙書省令史除獻州刺史天

德初改甯州民有告謀不軌者株連數十百人諷察其無狀乃究

問告者告者具伏其誣眾歡呼感泣再遷南京副留守入爲大理

少卿是時高禎爲御史大夫金史列傳久在臺彈劾無所避每對必以

區別流品進善退惡爲言當路者忌之金史高禎傳乃以諷及張忠輔

爲中丞

金史列傳

二人皆險詖深刻欲令以事中禎

金史高禎傳

與禎不能

絲髮相假借禎畏其害已因訴於海陵海陵以禎太祖舊臣每慰

安之諷改大理卿歲餘出爲順天軍節度使大定二年復爲大理

卿遷刑部尙書改忠順軍節度使致仕卒

金史列傳

王蔚字叔文香河人

一統志

登皇統二年進士第

金史列傳

性通敏曉析

吏事調良鄉丞治績優等

宏簡錄百三十六

補尙書省令史知管差除尋

授都事以喪去起復行左司員外郎遷郎中

金史列傳

世宗卽位御史

劾奏蔚與工部侍郎劉樞右司員外郎王全在正隆時皆以巧進

敗法蠹政人多怨疾

宏簡錄

大定二年起受河東北路轉運使上猶

欲用使諭旨曰汝在海陵時行事多不法然朕素知爾才幹欲授

以內除而慮臺有言以是補外如能澡心易行必當升擢否則勿

望再用旣而廉察爲第一授中都路都轉運使

金史列傳

入爲吏部尙

書以斷護衛出戰事不當奪官一階復出知河中府事遷南京留

守宏簡錄

十五年拜參知政事蔚懇辭不任負荷勅諭之曰卿但履

正奉公無或阿順何以辭爲十六年出知眞定府事累轉知河中

府明昌元年召拜尙書右丞致仕卒

金史列傳

孫卽康字安伯先世滄州當石晉末占籍析津卽康登大定十年

進士累除尙書省令史章宗爲相識之卽位遷戶部員外郎

宏簡錄二

百二十八 明昌三年同鹽司官議軍民犯私鹽三百里內者鹽司按罪

遠者付提點所皆徵捕獲之賞於販造者明安穆昆部人煎販及

盜者所管官論贖三犯杖之能捕獲則免罪又濱州渤海縣永和

鎮去州遠恐藏盜及私鹽可改爲永豐鎮與曹子山村各勑設巡

檢山東寶坻滄州鹽司判官乞陞爲從七品用進士上命明安穆

昆杖者再議餘皆從之

金史食貨志

除耀州刺史入爲吏部左司郎中

上謂宰臣曰孫卽康向爲省掾言語拙訥今才力大進非向時比也宰臣因曰卽康年已高幸及早用之上問年幾何矣對曰五十

六歲上復問其才何如張萬公守貞對曰卽康過之金史列傳上曰視

萬公稍爲通耳乃遷御史中丞鞫問鎬王永中事宏簡錄永中父子

皆死時論冤之金史列傳頃之遷泰甯軍節度使改知延安府事承安

五年上問司空襄今漢官誰可用者因舉卽康宏簡錄上乃復召爲

御史中丞泰和三年除參知政事明年進尙書右丞六年宋渝盟

有端大臣猶以小盜竊發不足恤卽康以爲必當用兵上以爲然

金史列傳復進左丞上問本朝太宗廟諱同音字有讀作成字者旣非

同音便不當缺點畫唐太宗諱世民偏傍犯如葉字作茱字氓字

作氓字今太祖諸子避睿宗廟諱名上皆加山爲崇字其下却有

本文卽康乃擬熙宗廟諱從面從且容宗廟諱上字依蘭亭帖示

作未字世宗廟諱從系顯宗廟諱如統傍之充正犯字形止書斜
畫說字銳字各從口為兌悅自此不勝曲避矣與宋議和進官一
階在任無所救正宏簡錄舊制尚書令史考滿優調次任回降會崔

建昌已優調興平軍節度副使未回降即除大理司直詔知除郭
邦傑李蹊杖七十勒停左司員外郎高庭玉決四十解職即康待

罪有詔勿問金史列傳衛紹王即位進拜平章政事封崇國公時論病

其阿諛詭隨驟取相位以斗筭目之大安三年致仕卒遣使致祭

宏簡錄

劉頰字元矩金史列傳大興宛平人金史劉彥宗傳以大臣子孫充閤門祇候

調莘縣令召為承奉班都知遷西上閤門副使兼宮苑令金史列傳由

西上閤門副使遷閤門使泰和二年宋盱眙軍報明年賀正旦使

魯館揚明輝及過界副使乃王處久入見魯館上殿又不雙跪詔

頰就閣詰問先報名銜楊明輝後改王處久故不及報館拜時並
雙跪因足有疾似單跪者

宏簡錄二
百二十八

初南苑有唐舊碑書貞元十

年御史大夫劉忬葬上見之曰苑中不宜有墓頰家本忬後詔賜

頰錢三百貫改葬之三遷右宣徽使貞祐二年轉左宣徽使明年

致仕遷一官上曰卿舊人也今朝廷多故豈宜去位朕自東宮薨

後思慮不周俟稍甯息卽以上郡處卿

金史
列傳

頃乃起知開封再請

老未半歲復爲御史中丞詔安撫河南路捕盜賊坐叢飲解職復

起爲太子詹事遷太子少師

宏簡
錄

詹事院欲闢廣東宮周牆頰請

於皇太子曰師旅饑饉之際何爲與此役遂止尋卒

金史
列傳

完顏逵本姓李名二措中都寶坻人粗知書善騎射輕財好施得

鄉曲之譽貞祐初縣人共推爲四鄉部頭招集離散糾合義兵眾

賴以安招撫司奏其事遷逵兩官與弟雲率眾數千巡邏固安永

清問遙授寶坻縣丞光義軍都統劉璋說霆使出降霆縛送經略

司遷三階攝寶坻令陞都提控遙授同知通州軍州事宏簡錄二百三十二

中都食盡霆遣軍分護清滄河路召募賈船通餉道遙授同知清

州防禦事從河北路宣撫使完顏仲元保清滄遙授通州刺史河

北東路行軍提控佩金牌金史列傳金牌舊制非宣撫副使不得佩蓋

特典也洪志仲元奏臣軍三萬管軍官三人皆至五品乞各賜金

牌金史列傳廷議霆輩忠勇絕人遂與之宏簡錄改大名路提控復取玉

田三河香河三縣金史列傳副將孫江以滄州降於王檝將兵圍觀州

寶坻洪志霆乃詐作書與孫江約同取滄州者王檝得其書果疑孫江

與霆有謀召江還殺之霆乃定觀州而還進官三階充濱棣行軍

都提控未幾遙授同知益都府事知宣差都提控遷棣州防禦使

賜姓完顏氏屯海州俄權單州經略司事充宣差總領提控金史列傳

興定元年四月濟南泰安滕兗等州土寇竊起肆行剽掠

宏簡錄東

平行省侯摯遣霆率兵討之

金史列傳

招降石花五夏全餘黨二萬人

老幼五萬口充權海州經略副使紅襖賊于忙兒寇海州霆擊走

之二年宋高太尉兵二萬駐胸山霆軍乏糧采野菜麥苗雜食之

宋兵柵胸山下隔湖港霆就港中作暗橋遣萬戶胡仲珪副統劉

贊率死士由暗橋登山霆率兵四千人趨山下約以昏時舉火爲

期上下夾擊宋兵大敗墜澗溺水死者不可勝計斬高太尉彭元

帥於陣餘眾潰去

宏簡錄

遷安化軍節度使經略副使如故以其子

爲符寶典書四年改集慶軍節度使兼同知歸德府事五年改定

國軍節度使兼同知京兆府事擢其子爲護衛

金史列傳

元光元年宣

宗立行省博索

原作白撒

奏京兆南山密邇宋境官民遷避其間者無

慮百萬人可遣官鎮撫庶幾不生他變十月霆以本官爲安撫守

同知歸德府惟宏大司農丞郭皓爲副使分護百姓之遷南山者

明年卒

宏簡錄

李蹊字貫之大興人少擢第通吏事能官南渡爲左司郎中遷吏

部侍郎爲蒲察合住所陷下獄當死詔釋之後爲大司徒正大初

拜參知政事進左右丞專掌財賦

歸潛志六

三月北兵迫南京上下震

恐

歸潛志十一

封荆王子額爾克爲曹王議以爲質命蹊送曹王出質

金哀宗紀

時京師被圍數月倉廩空虛坐榷不給下獄已而免死除名

歸潛志十一

久之起爲工部尙書權知政事

歸潛志六

十二月丙子朔以事

勢危急甲申詔議親出以蹊權尙書左丞率軍扈從

金宣宗紀

河北憤

兵至歸德知府賈嘉紐勒歡

原作石蓋女魯歡

以軍眾食寡懼不能給請

於上令就糧徐宿陳三州惟留官努忠孝軍四百五十與馬用軍

七百人于府中官努既總兵柄私與國用安謀欲邀上幸海州紐

勒歡復沮之官努遂萌異心蹊言官努有反狀宏簡錄二百四十八戊辰官

努以忠孝軍爲亂遂殺蹊金哀宗紀二年正月京城西面元帥崔立與

其黨韓鐸藥安國等降元蹊舊以取積問其妻子皆被榜掠拷訊

死歸潛志十一

宋珪本名乞奴燕人也爲內侍殿頭金史列傳與潘守恒素號知書識

大體南渡後規益甚多宏簡錄二百四十八宣宗嘗以元夕欲觀燈戲命乞

奴監作乞奴諱語云社稷棄之中都南京作燈戲有何看耶宣宗

微聞之杖之二十既而悔之有旨宣諭哀宗放鶴逸去勅近侍追

訪之市中一農民臂此鶴金史列傳百方求索不與易以物直乃得欲

送有司治罪宏簡錄乞奴從旁諫曰貴畜賤人豈可宣示四方哀宗

惡其大訐又杖之金史列傳尋亦悔賜物慰遣宏簡錄及哀宗至歸德馬

軍元師富察官努金史列傳以忠孝軍爲亂殺尙書左丞李蹊參知政

事寶嘉紐勒歡點檢圖克坦長樂從官已下三百餘人

金哀宗紀

不得已以官努權參知政事

金史列傳

官努以上居照碧堂禁羣臣無

一人敢奏對者上曰悲泣言曰自古無不亡之國不死之主但恨

朕不知用人致爲此奴所囚耳遂與珪等謀誅官努

金哀宗紀

官努往

亳州珪與奉御烏克遜

原作烏古孫

愛寶納喇

原作蘭

奇塔特

原作怛答

密定

謀計令裴滿抄合召進議事

宏簡錄富察官努傳

官努入見珪等卽從旁殺

之及蔡城破

金史列傳

城中軍不能禦帝自縊于幽蘭軒

金哀宗紀

珪與完

顏色埒默焦春和皆從死

金史列傳

元

王寶喇

原作昔剌拔都

保定人初事世祖以其有勇略遂賜名寶喇巴圖

昔剌拔都

鐵輔唐志七十一

從攻釣魚山及額埒布格累功賜金符授武衛親

軍千戶中統三年從征李璫於濟南屢捷四年春元帥阿珠駐兵

河南遣實喇將蒙古漢軍復立宿州至元六年賜虎符升海州萬

戶引兵攻鹽林山寨多所俘獲十年授東川行樞密院同僉十五

年征夔府有功十六年徙鎮萬州卒于軍元史子宏宿續唐志七十一

宏先佩金符爲左衛千戶及樞密院擬甯襲武職甯讓其兄宏於

是授宏中衛都指揮使佩父虎符而以甯代宏爲千戶佩金符甯

從阿爾台哈達遜北征追擊托克托穆爾之軍於阿納爾圖原作

阿秃師還又從拜奇頁勒密實原作別急等擊賊威喇斬首百餘級

復從和爾果斯北征有功升右衛新軍總管後改前衛都指揮使

司僉事子處恭襲宏職仕至侍御史元史列傳

明

楊善字思敬大興人續唐志年十七爲諸生明史不甚通經術

而性沉敏能爲人策事并州續纂成祖起兵預城守有勞授典儀

所引禮舍人永樂元年改鴻臚寺序班累進右寺丞仁宗卽位擢

本寺卿

明史列傳

善偉風儀工舉止音吐如洪鐘每朝謁引進奏時上

目屬之而又重文翰與學士楊士奇楊榮善旣家都城以積貯起

貲治居第郭外有園亭花木之屬諸公休沐有所宴賞則善家若

歸又時時饋遺名果餌不絕以是大得公卿聲聞而中貴人亦多

好之者

弇州稿葉八十七

宣德六年被劾下獄褫冠帶踰月正統六年子

容詐作中官書假金於尙書吳中事覺謫戍威遠衛置善不問久

之擢禮部左侍郎仍視鴻臚事十四年八月扈駕北征

明史列傳

至土

木師潰

弇州稿葉八十七

善間行得脫

明史列傳

達京師時已六十五矣足脈

不爲倦

弇州稿葉八十七

冬十月也先犯京師

通鑑綱目三編七

改左副都御史

與都督王通提督京城守備寇退進右都御史景泰元年廷臣朝

正舉循故事相賀於朝房

明史列傳

善獨流涕曰此何時也太上皇帝

何所而我曹稱賀耶眾愧爲之止

弁州積藁 入十五

是年夏李質羅綺使

瓦剌議罷兵未還

明史 列傳

會脫脫不花亦遣使皮兒馬黑麻請和

明史

紀事本末

廷臣皆言宜使往報太監興安出呼羣臣曰公等欲報

使孰爲富弼文天祥者

通鑑輯覽 一百四

善慨然請行人皆危善善曰上

皇在沙漠此爲臣者效命之秋也中書舍人趙榮亦請往乃遣善

榮及指揮王息干戶湯允勛同皮兒馬黑麻往道遇實實告以故

善曰得之矣卽勅書所無可權以集事也實旣還朝具述也先情

及上皇起居狀

紀事本末 三十三

廷議請更遣大臣帝曰楊善旣去不必

更遣

通鑑輯覽 一百四

初尙書胡濙等言上皇蒙塵久御用服食宜付善

等隨行不報善奉使齎賜也先金帛外餘無他賜善乃出家財

列傳不足則貨之中賁人悉益市綺繡師比阿錫女紅線釵之類以

列傳

往

弁州積藁 入十七

旣至館伴田氏亦中國人留飲帳中善與相得

明史 列傳

說善曰土木之役六師何怯也善曰彼時官軍壯者悉南征王司禮邀大駕幸其里不爲戰備故令汝得志耳今南征將士歸可二十萬又募中外材官技擊可三十萬悉教以神鎗火器藥弩中百步外洞人馬腹立死又用策士言緣邊要害隱鐵錐三尺馬蹄踐輒穿又刺客林立夜度營幕若猿狖伴色動善曰惜哉今皆置無用矣問何故曰和議成歡好且若兄弟安用此因以所齎遺之其人喜悉以語也先明日見也先又大有所遺也先亦喜明紀十五善因詰之曰太上皇帝朝太師遣貢使必三千人歲必再資金幣載途背盥見攻何也通鑑輯覽一百四也先曰奈何削我馬價予帛多翦裂前後使人往多不歸又減歲賜明史列傳善曰非削也太師馬歲增而不忍拒故微損之太師自度價比前孰多帛翦裂者通事爲之卽太師貢馬有劣弱貂或敝豈太師意耶且使者多至三四千人有爲

盜或犯他法故自亡去留之何用貢使受宴賜朝廷核實與之所

減乃虛數耳

通鑑綱目三編七

也先又問市釜事善言此小民市易朝廷

豈知善因歷述累朝恩遇之厚不可忘且言天道好生今縱兵殺

掠上干天怒

明史紀事本末三十三

太師再攻我屠戮數十萬太師部曲死

傷亦不少矣今還上皇和好如故中國金幣日至不亦美乎

通鑑綱目

三編七

也先曰敕書何以無奉迎語善曰此欲成太師令名使自爲

之也先大喜

明史列傳

也先問上皇還更臨御否善言天位已定不得

再易也先問古堯舜如何善言堯讓位於舜今日兄讓位於弟也

先悅服

明史紀事本末三十三

其平章昂克問善何不以重寶來購善曰若

齋貨來人謂太師圖利今不爾乃見太師仁義爲好男子垂史策

頌揚萬世也先笑稱善

明紀十五

伯顏帖木耳勸也先留善而遣使要

上皇復位也先懼失信不可

明史列傳

卽日引善見上皇遂設宴餞上

皇行也先席地彈琵琶妻妾奉酒顧善曰都御史坐善不敢坐上皇曰太師著坐便坐善承旨坐即起周旋其間也先顧善曰有禮

明紀十五

遂以輕騎奉太上皇與善歸

弁州積藁八十七

時舉朝競奇善功而

景帝以非初遣旨薄其賞遷左都御史

明史列傳

善始事王振後更事

曹吉祥等而與石亨比會景帝病善伺知亨吉祥有迎太上皇謀

遂與之合而發南宮劔太上皇即位論善功封奉天翊衛推誠宣

力武臣特進光祿大夫柱國興濟伯尋加號守正改文臣歲祿一

千二百石予詒券世世承襲

弁州積藁八十七

尚書胡濙頌迎駕功命兼

禮部尚書兼使瓦剌攜子四人行至是並得官又爲從子養子乞

恩得官者復十數人

明史列傳

旬日之間恩賜赫奕所陳請無不允幾

與石亨張軏埒又嘗陰薦李賢入內閣而定襄伯郭登故有幾微

於上亟疏善使虜功請位之三公獲以身免於是亨吉祥忌之稍

稍間於上漸疏糴而明年善亦卒矣年七十五贈興濟侯諡忠敏

舟州續業八十七

善負才辨以巧取功名

明史列傳

而儉忤多岸谷其爲序班

坐事下獄庶吉士章樸亦坐事下獄與相狎言家有方孝孺集時

方窮治孝孺黨善從借觀而密奏之上遂誅樸而復善官

舟州類業八十七

于謙王文之戮陳循之竄善亦有力焉子宗襲爵後革奪門功

降金吾指揮使孫增尙公主

明史列傳

張敏永清人

畿輔唐志七十四

宣德八年進士

永清周志

擢工部給事中

畿輔唐志

七年九年俸滿乞免外補正統十四年陞工部右侍郎敏爲人粗

淺居官無建白但循默守職而已天順元年英宗復辟察其非卿

佐才遂令致仕二年卒遣官諭祭

永清周志

殷謙字文搗涿州人

畿輔唐志七十四

正統中進士授戶部主事歷兵部

郎中右通政出知太原府歷遷左布政使召拜右副都御史巡撫

宣府

涿州吳志

陞戶部尙書進太子少保

魏輔唐志七十四

時西廠旗校以捕

妖言圖官賞多爲廢書誘愚民而後捕之寃死相屬廷臣莫敢言

分守懷來中官廖禮與妖人趙大獄所收繫甚眾謙等具奏如禮

言獄成命官按之果妄帝始悟向所罪妖言多被誣者乃下詔責

禮等而諭諸法司慎鞠妖言之罪

綱目三編十四

周壽昌平人孝肅皇太后之弟父能贈慶雲侯壽嗣職

明史列傳

擢左府督都同知尋封慶雲伯

綱目三編十三

初禁勦戚請乞莊田壽冒

禁乞通州田六十二頃帝不得已與之

明紀十八

嘗奉使道呂梁洪多

挾商艘主事謝敬不可壽與閭且劾之敬坐落職十七年進侯孝

宗立壽加太保時壽所賜莊田甚多其在寶坻者已五百頃又欲

得其餘七百餘頃詭言以私財相易劾其貪求無厭執不許孝

宗竟與之又與建昌侯張延齡爭田兩家奴相毆交章上聞又數

撓盟法侵公家利有司厭苦之

明史帝之爲太子也

明紀二紀太

后暴薨懼罹不測太后親育之

明史拾遺記

省視萬方

明紀二得

以無恙太后加以恩澤封者甚眾壽嗣慶雲侯

明史拾遺記

壽弟或封

長甯伯

綱目三編十二

亦加大保

明史列傳

壽子璋瑾瓚瑛或子瑋瑑皆授錦

衣衛指揮千百戶

明史拾遺記

兄弟並爲侯伯子弟同日授錦衣衛官

前此未有也武宗汰傳奉官壽子姪八人在汰中壽上章乞留從

之正德四年卒贈宣國公諡恭和子瑛嗣封殖過於父嘉靖中於

河西務設肆邀商貨虐市民虧國課爲巡按御史所劾停祿三月

而瑛怙惡如故又爲主事翁萬達所劾詔革其廕肆下家人於法

司時已革外戚世爵瑛卒遂不得嗣或太后仲弟也成化時累官

左府都督同知

明史列傳

奏乞武強武邑民田不及額賦者籍爲閒田

命刑部郎中彭韶御史季琮復勘韶等周視徑歸上疏自劾曰真

定田自祖宗時許民墾種卽爲恒產除租賦以勸力農功臣戚里家與國咸休豈得與民爭尺寸地臣誠不忍奪小民衣食附益貴

戚請伏奉使無狀罪詔以田歸民

明紀十八

二十一年封長甯伯世襲

宏治中

明史列傳

外戚競營私利或與張鶴齡聚眾相鬪都下震駭九月乙酉屠濬偕九卿言憲宗皇帝詔勸戚之家不得占據開津陂

澤設肆開廩侵奪民利違者許所在官司執法以聞陛下踐極亦

惟先帝之法是訓是遵而勸戚諸臣不能恪守先詔縱家人列肆

通衢邀截商貨都城內外所在有之觀永樂間榜例王公僕二十

人一品不過十二人今勸戚多者以百數大乖舊制其間多市井

無賴冒名罔利利歸羣小怨叢一身非計之得者邇者長甯伯周

或壽甯侯張鶴齡以瑣忿爭喧傳都邑失戚里之觀瞻損朝廷之

威重伏望綸旨戒諭俾各修舊好凡有店肆皆停止更敕都察院

揭榜禁戒擾商賈奪民利者聽巡城巡按御史及所在有司執治
仍考永樂間例裁定勛戚家人不得濫收帝從之

明紀二

十八年

進太保或求爲侯吏部言封爵出自朝廷無請乞者乃止或尋卒

傅子瑋孫大經及曾孫世臣降授錦衣衛指揮同知

明史

而后有

長弟名吉祥者兒時好游游卽去其家爾時太后未入宮也久之

不歸至天順中爲僧大覺寺好游如故蠶游他所夜卽宿報國寺

伽藍殿中太后亦忘之報國寺者都城宣武門外小寺也太后夜

夢伽藍神來告妃弟在我殿中宿妃知之乎其夜英宗夢亦如之

醒而相語初不信遣小黃門見吉祥坦腹卧伽藍殿中遂擁以行

入白太后太后時爲妃以告帝帝召入大喜具言生平太后泣下

曰弟爲僧如何爲皇親耶吉祥曰爲皇親何如爲僧乃遣還寺厚

賜之憲宗嗣位太后爲拓報國寺建大慈仁寺居之賜莊田數百

頃形史拾遺記其後周氏衰落而慈仁寺莊田久猶存明史列傳

鄧璋字禮方涿州人編目三成化中進士任推官遷御史歷

副都御史巡撫宣府涿州人編目三正德七年官河南巡撫時劉惠趙鏃連

陷鹿邑上蔡西平遂平舞陽葉縱掠南頓新蔡商水襄城復還駐

西平都督僉事馮禎副總兵時源叅將神周金輔方擊敗惠鏃於

西平璋以爲賊不足患朝崇王於汝甯宴飲連日賊招散亡乃復

振綱目三編正德八年璋爲南京刑部侍郎綱目三編轉兵部侍郎

奉詔賑濟江南還遷都御史涿州人編目三正德九年璋總制甘肅綱目三

注尋遷戶部尚書涿州人編目三

施純京師人體貌豐偉音吐洪亮詞語莊整班行中可觀成化末

上病舌澀朝臣讀奏答旨多以是字而尤弗便純官鴻臚卿請以

照例二字代之上喜擢爲大宗伯時號兩字尚書其內子亦京師

人貌甚端雅一日同諸命婦朝兩宮內廷嬪御色亦鮮麗咸屬目焉太后命之前問夫人誰氏對曰妾禮部尙書施純妻也太后賜鈔誦視久之願左右侍人曰向者東朝選妃何不及此人又願謂曰夫人向後不必更入朝也

野紀三

張禴字汝誠禴弟宏治乙卯舉人已未進士歷任刑部郎中正德初權宦惡都御史強珍欲籍其家者禴執不可竟得謫戍奪禴俸

半年改查盤御史

平谷朱志

吏部尙書張綵性尤漁色聞平陽府知府

張恕

霸州人

妾美索之不得令禴擬致其罪擬戍恕獻妾始論減

綱目

三編

擢太僕寺少卿陞僉都御史巡撫大同左遷泗州知州尋陞

陝西潼關副使轉左參政復陞僉都御史巡撫遼東卒於官

平谷朱志

史道字克宏涿州人正德癸酉解元甲戌進士改庶吉士授兵科

給事中

涿州吳志

疏論谷大用江彬誤國止太監張佐封爵論救尙書

王瓊等死章數上多見嘉納後以論奏大學士楊廷和下詔獄謫

金縣丞

畿輔唐志
七十一

尋除河南僉事備兵副使累官至僉都御史吏

部推道總督漕運上特詔留用遷大理寺卿兼攝臺事適有以舊

怨街道者劾道會推後期罷未幾詔起道僉都御史

涿州吳志

巡撫大

同建五堡城廣耕戍歲省漕稅費無算

畿輔唐志

遷兵部侍郎

涿州吳志嘉

靖三十年

通鑑輯覽
一百九

仇鸞驚怯畏寇密遣人持貨幣結諂達義子

托克托使貢馬互市諂達許之投書於宣大總督蘇祐蘇祐以聞

鸞與嚴嵩定議每歲春秋兩市令道領其事

涿州吳志

道徇諂達請以

粟豆易牛羊給事中何光裕御史龔愷等劾道委靡遷就馬市既

開復請封號今其表意在請乞而道以爲謝恩况表文非出賊手

道不去則彼有無厭之求我無必戰之志誤國事不小帝方嚮仇

鸞賁光裕等借道論鸞以探朝廷杖光裕愷八十

明紀三十四

道尋進

兵部尚書加太子太保

唐志

趙錦字文卿良鄉人幼而好學蚤著文譽潛心理學正德丁丑進士授南京戶部主事司揚州鈔關鎔銅爲櫃竅而鑰之所入旣多則銷以儲庫人不得而私焉又劾水竇於關梁之南小舟可徑出入得以免稅迄今便之陞署郎中調南京吏部稽勳司郎中入爲兵部武庫司郎中改武選司職方司郎中大同軍變戶部侍郎胡永年奉命往平之奏錦爲佐歸掌職方事凡將領之賢否邊塞之險平糧儲之充耗皆備訪而默識之有所施行無不允愜大司馬倚重焉由是趙郎中之名譁于人口繼爲大司馬疏言其專復出爲南京戶部河南司郎中陞温州知府山東按察使司副使山西右叅政浙江按察使擢右僉都御史巡撫延綏贊理軍務道旋丁艱服闋改大同有忌之者論其不可用冢宰力稱其賢上竟用之

總帥周尙文者老將也不事培克得軍士心而果於自用性多偏

執錦以體國爲念不憚屈已與之交歡然遇不可者必盡忠告周

以爲怨錦慮且將誤事上疏求退罷歸儉約若寒素嘉靖庚戌再

起用

楊維聰趙公墓志銘

良鄉志

歷官兵部尙書兵機政要閱歷有素事至立

決無壅滯者晨興入部日晏方歸不以寒暑少廢司屬敬服軍士

感悅以功廕一子錦衣衛百戶加太子少保

墓志銘

已未坐仇鸞黨

成邊

明紀三十四

案墓志銘云公在甘肅大同與仇鸞同事入京之後頗相乖忤過從笑語乃人情之不免者蔡邕之於卓

龜山之於京其不幸亦猶是也

卒年六十有九子二世官世祿

良鄉志

李偉字世奇灤縣人神宗生母李太后父也

明史列傳

兒時戲里有

羽士過之驚語人曰偉哉兒他日必大貴父聞而喜遂名之曰偉

嘉靖中偉夢空中五色彩輦旌幢鼓吹導之下寢所

通州高志

已而生

太后避警攜家入京師居久之太后入裕邸生神宗隆慶改元立

皇太子授偉都督同知再進武清侯

明史列傳

太后賢明熟典故神宗

推恩外戚多異數太后懷盈滿之懼

通州高志

能約束其家偉嘗有過

太后召入宮切責之不以父故愆祖宗法以是偉益小心畏慎有

賢聲萬厯二十一年卒贈安國公諡莊簡

明史列傳

長子文全先授都

督父卒襲武清侯端方持己性儉素卒之日上輟朝賜葬如禮仲

子文貴授都督謙謹守禮以孝弟聞季子文進授御馬監太監亦

恪守禮度文全子銘誠襲伯爵性英敏學問該洽天啟末頌魏忠

賢功德建祠名鴻勛

通州高志

莊烈帝定逆案銘誠幸獲免久之大學

士薛國觀請勅助戚助軍餉時銘誠已卒子國瑞當嗣爵其庶兄

國臣與爭產

明史列傳

詭言父貲四十萬臣當得其半今請助國爲軍

貲

編三十八

帝初不允至是詔借餉如國臣言

明史列傳

或教國瑞還

貲無獻拆毀居第陳什器通衢鬻之示無所有帝怒奪國瑞爵國

瑞悻死

綱目三編
三十八

有司復繫其家國瑞女字嘉定伯周奎孫奎請

於莊烈后后曰但迎女秋毫無所取可也諸戚婉人人自危會皇

五子疾亟李太后憑而言帝懼悉還李氏產

明史
列傳

封國瑞七歲兒

存善爲侯

綱目三編
三十八

未幾國臣遂以事誅

明史
列傳

冉興讓固安人

附中志
二十一

神宗愛女壽甯公主鄭貴妃所出者選與

讓尙之

野獲
編五

選駙馬時顧姓者二人冉姓者一人時正暑熱御前

親選之日兩顧白石大替極細亮帽髮可以鑑香氣襲人衣服楚

楚而冉衣不求鮮戴圓羅帽兢兢叩拜不敢仰視神宗隔簾向鄭

貴妃指而目之卒選中興讓實重其老成也及完婚數年

附中志
二十一

偶月夕公主宣駙馬入而管家嬭名梁盈女者方與所耦宦官趙

進朝酣飲不及稟白盈女大怒乘醉扶冉無算驅之令出以公主

勸解并詈及之公主悲忿不欲生次晨奔訴於母妃不知盈女已

先入唐愬增飾諸穢語母妃怒甚拒不許謁冉具疏入朝則昨夕
酣飲宦官已結其黨數十人羣猝冉於內廷衣服破壞血肉狼籍
狂走出長安門其儀從輿馬又先筮散冉遂跣歸府第正欲再草
疏嚴旨已下詰責甚厲褫其蟒玉送國學省愆三月不獲再奏公
主亦含忍獨還野獲編五崇禎時洛陽失守莊烈帝命典讓同太監王

裕民給事中葉高標往慰福世子於河北都城陷典讓死於賊明史

公主傳梁邗瑞京師富室子其人病瘵羸甚大璫馮保納其數萬之

賂首揆張江陵力持之慈聖太后亦爲所惑萬厯十年野獲編五永甯

公主下嫁邗瑞明史公主傳合卺鼻血雙下沾濕袍袂幾不成禮官監

尙稱喜以爲挂紅吉兆甫匝月遂不起公主薨居數年而歿野獲編五

方從哲字中涵其先德清人隸籍錦衣衛家京師從哲登萬厯十
一年進士投庶吉士屢遷國子祭酒請告家居久不出時頗稱其

恬雅中旨起吏部左侍郎爲給事中李成名所劾求罷不允四十年拜禮部尙書兼東閣大學士與吳道南竝命時道南在籍葉向高爲首輔政事多決於向高向高去國從哲遂獨相請召還舊輔沈鯉不允御史錢春劾其容悅從哲乞罷帝優旨慰留未幾道南至會張差梃擊事起刑部以瘋癲蔽獄王之案鉤得其情從哲偕道南斥之案言謬妄帝納之道南歸從哲復獨相性柔懦不能任大事時政有失亦上疏力言而從哲有內援以名爭而已寶將順帝意無所匡正丁巳京察盡斥東林且及林居者齊楚浙三黨鼎立務搏擊清流齊人元詩教從哲門生勢尤張從哲昵羣小而帝怠荒亦益甚四十六年四月

大清兵克撫順朝野震驚帝初頗憂懼章奏時下不數月泄泄如故從哲于世鴻殺人巡城御史劾之從哲乞罷不允長星見東南

長二丈廣尺餘十有九日而滅是日京師地震從哲言妖象怪徵
層見疊出除臣奉職無狀痛自修省外望陛下大奮乾綱與天下
更始朝士雜然笑之帝亦不省御史熊化以時事多艱佐理無效
劾從哲乞用災異策免從哲懇求罷堅卧四十餘日閣中虛無人
帝慰留再三乃起視事明年二月楊鎬四路出師大敗禮部主事
夏嘉遇謂遼事之壞由從哲庇李維翰所致兩疏劾之從哲求罷
帝優旨懇留乃復故未幾

大清兵連克開原鐵嶺廷臣於文華門拜疏立請批發又候旨思
善門皆不報從哲乃叩首仁德門跪俟俞旨帝終不報帝素惡言
官前此考選除授者率候命二三年及是候八年從哲請至數十
疏竟不下帝自以海宇承平官不必備有意損之及遼左軍興又
不欲矯前失行之如舊從哲獨秉國成卒無所匡救又用姚宗文

閱遼東齎經略熊廷弼去遼陽遂失論者謂明之亡神宗實基之而從哲其罪首也四十八年帝崩光宗嗣位得疾時都下紛言中官崔文昇進洩藥帝由此委頓給事中楊漣劾文昇并及從哲刑部主事孫朝肅徐儀世御史鄭宗竝上書從哲請保護聖體速建儲貳從哲候安因言進藥宜慎帝褒答之甲戌復召諸臣諭冊封事從哲等請速建儲貳帝顧皇長子曰卿等其輔爲堯舜又語及壽宮從哲等以先帝山陵對帝自指曰朕壽宮也諸臣皆泣帝復問有鴻臚官進藥者安在從哲曰鴻臚寺丞李可灼自云仙方臣等未敢信帝命宣可灼至趣和藥進所謂紅丸者也帝服訖稱忠臣者再諸臣出竅宮門外頃之中使傳上體平善日晡可灼出言復進一丸從哲等問狀曰平善如前明日帝崩中外皆恨可灼甚而從哲擬遺旨資可灼銀幣御史王安舜劾從哲輕薦狂醫又

賞之以自掩從哲擬太子令旨罰可灼俸一年御史鄭宗周劾文昇罪請下法司從哲擬令旨司禮察處及御史郭如楚馮三元焦源溥給事中魏應嘉太常卿曹珣光祿少卿高攀龍主事呂維祺先後上疏言可灼罪不容誅從哲庇之國法安在而給事中惠世揚直糾從哲十罪三可殺言從哲獨相七年妨賢病國罪一驕蹇無禮失誤哭臨罪二挺擊青宮庇護奸黨罪三恣行胸臆破壞絲綸罪四縱子殺人蔑視憲典罪五阻抑言官蔽壅耳目罪六陷城失律寬議撫臣罪七馬上催戰覆沒全師罪八徇私罔上鼎鉉貽羞罪九代營權稅蠹國殃民罪十貴妃求封后舉朝力爭從哲依違兩可當誅者一李選侍乃鄭氏私人抗凌聖母飲恨而沒從哲受劉遜李進忠所盜美珠欲封選侍爲貴妃又聽其久據乾清當誅者二崔文昇用洩藥傷損先帝諸臣論之從哲擬脫罪李可灼

進切藥從哲擬賞資當誅者三疏入責世揚輕詆從哲累求去皆
慰留已而張潑袁化中王允成等連劾之皆不聽其冬給事中程
註復劾之從哲力求去疏六上乃歸天啟二年四月禮部尙書孫
慎行追論可灼進紅丸斥從哲爲弒逆從哲疏辨自請削官階投
四裔帝慰諭之時大學士熿述進藥始末爲從哲解於是吏部尙
書張問達會戶部尙書張應蛟合奏言進藥始末臣等共聞見輔
臣視皇考疾急迫倉皇弒逆二字何忍言但可灼非醫官且非知
脉知醫者以藥嘗試先帝龍馭卽上昇從哲與臣等九卿未能止
均有罪乃反資可灼及御史委舜有言令養病去罰太輕何以慰
皇考服中外宜如從哲請削其官階爲法在咎至可灼罪不可勝
誅而文昇當皇考哀感傷寒時進大黃涼藥罪又在可灼上法皆
宜顯侈以洩公憤議上可灼造戍謫文昇於南京而從哲不罪無

何慎行引疾去五年魏忠賢輯梃擊紅丸移宮三事爲三朝要典以傾正人遂免可灼成命文昇督漕運其黨徐大化請起從哲從哲不出然一時請誅從哲者貶殺略盡矣崇禎元年二月從哲卒

贈太傅諡文端

明史列傳

馮三元三河人萬曆末年官御史泰昌元年

綱目三編三十一

帝有疾服

李可灼紅丸而崩中外皆恨可灼甚而方從哲擬遺旨賚可灼銀

幣明史方從哲傳

三元與御史郭如楚等

綱目三編三十一

先後上疏言可灼罪

不容誅從哲庇之國法安在

方從哲傳

又劾遼東經略熊廷弼無謀者

八欺君者三

綱目三編三十一

謂不罷遼必不保

明史熊廷弼傳

廷弼主守禦益

堅明紀四十九

給事中姚宗文向與廷弼同在言路意氣相得後以廷

弼不薦己已怨及出關過廷弼以其書生貌之比宗文還疏陳遼土日蹙詆廷弼廢羣策而雄獨督復鼓其同類攻擊必欲去之廷

弼憤抗疏極辨且求罷而御史張修德

明史熊廷弼傳

給事中魏應嘉先

後劾廷弼破壞遼疆

通鑑輯覽二百五十九

廷弼益憤再疏自明三元應嘉

修德等復連章極論廷弼卽請三人勘帝從之御史吳應奇給事

中楊漣等力言不可乃改命兵科給事中朱童蒙往童蒙還奏備

陳廷弼功狀帝以廷弼力保危城仍議起用天啟元年

明史熊廷弼傳

陽遼陽繼失

通鑑輯覽一百十三

河西軍民盡奔自塔山至閭陽二百餘里

煙火斷絕京師大震

明史熊廷弼傳

劉一燦曰使廷弼在當不至此帝乃

貶三元而召廷弼於家

通鑑輯覽一百十三

張維號範吾霸州人嘉靖三十八年選入隸乘筆高忠名下幼博

學好書萬厯初陞乾清宮管事提督內忠勇營掌兵役局印乘筆

孫德秀張鯨諸人頗妬其才然維處之泰然神宗甚眷注之慈聖

太后遣有元帝金像特差雜齋往湖廣武當山供安維善詩能文

且精於琴畫往返廉靜驛遞德之几詩賦翰牘人咸寶惜萬厯十
六年九月駕幸山陵闕壽宮回維股爲車轆傷連章求退不允著
於思善門外直房調治未瘳始准私家調理遂益哀法書秘籍書
不釋手夜自篝燈咿唔少倦仍默看至丙夜方寢雞甫鳴則復興
矣晚年兩目盲尙能寫行草間有新書必買來令左右念聽者數
年至萬厯四十一年夏卒年八十著有皇華集歸來篇莫金山人
集蒼雪齋集等書酌中志略孫隆三河人萬厯中蘇杭等處提督
織造乾清宮近侍司禮監管監事太監宋詹事沈樞撰通鑑總類
二十卷分二百七十二門隆在朝嘗以是書進御神宗欲鏤之尙
方不果及出督織造乃鏤之吳中云潛研堂集金忠字敏恕固安
人萬厯六年選入厯陞文書房太監博學能書善琴自稱迂拙子
守備鳳陽時曾著御世仁風一書刻之酌中志

李壽京都人西涯苗裔也嘉靖四十一年選入厯陞司禮監監官
萬厯三十一年選福王妃時鄭貴妃引潞王例欲選三人而擇之
太監陳矩時總理婚典壽執往事爭曰潞王先選一位未中復選
二位雖三人其實二也如何敢比陳矩甚服其亮而密薦之後陞
隨堂而終神宗悼惜之

酌中志略
二十一

國朝

馬光遠順天大興人明建昌叅將

本朝天聰四年大兵克永平光遠率所部投誠授副都統隸漢軍
廂黃旗七年授一等子僞崇德二年授都統轄漢軍右翼三年我
軍攻錦州城旁一臺敵兵拒守光遠率叅領郎紹貞等圍之光遠
以離汛地敵乘間遁及覺又不追擊有

旨詰問光遠復以我兵不能抵敵致辯部議應革世職解任治罪

從寬罰鍰是年從

上攻松山未克歸旋追論攻松山時光遠等詭言礮子已盡今猶剩回玩誤軍機疲敝士馬法不容貸

詔集漢官於篤恭殿大學士范文程等宣諭數光遠等罪令在家閑居住光遠所轄叅將李士昌鑄礮于鎔鍊未淨不堪用下所司鞠訊復得光遠徇庇狀論死罰贖

上念其罪由無知特加寬宥六月起光遠爲都統轄漢軍兩黃旗順治四年以老病乞休從之康熙二年卒

賜祭葬如例諡誠順從子思文襲爵

威臣傳

馮銓涿州人萬曆四十一年進士改庶吉士授檢討

威臣傳

面玉唇

朱貌若好女性好潔行五步卽欲隨從彈足塵故僕役無小大咸袖靴刷供應其父馮盛明曾以貌與駙馬選而遺得以陪駙馬生

員應試中萬厯己丑進士任山東副使

屠玉叢談三集

河南左布政使初

被劾歸銓亦回籍天啟四年魏忠賢進香涿州銓進謁道左泣訴

父爲東林黨陷害忠賢憐之起故官洊陞少詹事充講官副都御

史五年八月擢禮部侍郎兼東閣大學士入贊機務

貳臣傳

輔臣缺

詔推老成幹濟者禮部尙書周如磐以年老推用侍郎黃立極與

魏忠賢同鄉故援之熊廷弼之獄銓謀居多侍講筵出市刊遼東

傳譖于帝曰此廷弼所作希脫罪耳帝大怒于是廷弼死遂決銓

資淺年未及四十忠賢黨李魯生言成卽爲老而非老乎年幹乃

稱濟而卽有濟于國銓遂柄用

通鑑輯覽一百十三

九月晉禮部尙書六年

充三朝要典總裁官四月晉少保兼太子太保戶部尙書武英殿

大學士時太監涂文輔爲忠賢腹心人爲之語曰內有涂文輔外

有馮振鷺振鷺者銓字也

貳臣傳

銓以媚事魏忠賢登宰輔素與崔

呈秀暱

通鑑輯覽一百十三

要典成榜東林黨人姓名示天下而於崔呈秀

無美辭忠賢心銜之會呈秀亦與銓交惡

貳臣傳

呈秀欲入閣

通鑑輯覽

一百

十三其黨孫杰霍維華嗾職方郎中吳涪夫上疏力攻之御史盧

承欽復劾銓納賄居間數事遂罷職崇禎初忠賢伏罪給事中李過知於贓罰庫得銓罷官後爲忠賢上壽詩百韻劾銓與忠賢交結狀論徒贖爲民

本朝順治元年四月睿親王定京師以書徵銓聞命卽至優予冠服令以大學士原銜入內院佐理機務遂與大學士洪承疇請復明初內閣票擬舊例二年三月定部院官制授宏文院大學士兼禮部尚書貳臣傳先是給事中許作梅莊憲祖杜立德御史王守禮桑芸李森先羅國士鄧應槐吳達等交章劾銓原係故明閣宦魏忠賢黨羽其子源淮進賄于禮部侍郎孫之獬遂爲伊標中軍請

將馮銓父子肆諸市朝

東華錄五

睿親王因論明季諸臣黨害無辜以

致明亡今科道各官仍蹈陋習申戒之寢其事三年四年兩充會
試考官六年充

太宗文皇帝實錄總裁官加少傅兼太子太保八年閏三月

諭曰馮銓先經御史吳達疏叅便當引去乃隱忍居官七年以來
毫無建明著致仕去十年三月

諭吏部曰朕思馮銓原無顯過且博洽典故諳練政事朕方求賢
圖治特詔用以觀自新諭到之口卽速赴京銓旣至召對內院仍
授宏文院大學士十二年四月諭獎銓翼襄政務稱厥委任加少
師兼太子太師十三年

諭曰大學士馮銓齒長力衰難勝繁劇其加太保兼太子太師秘
書院大學士禮部尚書致仕銓疏請回籍允之十六年二月詔

仍以原銜兼中和殿大學士康熙十一年十一月卒

賜祭葬如例諡文敏乾隆中削源淮由侍衛官至總兵貳臣源濟

自有傳

孫承澤字北海大興人明崇禎四年進士官至刑科都給事中福

王時以承澤曾附流賊李自成貳臣偽職順慶防禦使甲申傳信錄五定

入從賊案

本朝順治元年五月起授吏科都給事中十一月遷太常寺少卿

提督四譯館事二年四月遷通政使司左通政八月遷太常寺卿

四年遷大理寺卿五年擢兵部右侍郎八月調吏部九年四月都

察院疏糾承澤兩耳失聰請勅革退因解侍郎任五月

上以承澤無罪

命如舊供職八月轉左侍郎兩遇

恩詔加太子太保都察院左都御史銜十年二月疏薦大學士陳名夏分理吏部尙書事

上覽奏謂閣臣曰朕見承澤此奏洞其隱微代爲含愧彼意允其所請而用名夏則於彼有利否則又將使朕猜疑名夏也因以侍郎推舉閣臣有乖大體責令回奏承澤戰慄引罪自陳愚昧乞宥乃釋之先是正月承澤引疾乞休

上以其年力未衰不許三月再請乃許承澤既歸戴臣傳築退谷於

西山耄而好學畿輔唐志讀書日有程課著述滿家池北偶談十五於史

事多所論述而有明一代典故尤瞭如指掌畿輔唐志嘗與王士

禎言讀書當通經因言元人經學非後人所及蓋元時天下有書

院百二十各以山長主之教子弟以通經學經學既明然後得入

國學卽如吳淵穎程普德輩其集人多不知明初人猶多經學皆

元遺逸且言生平學問以朱子爲宗

池北偶談十五

所著五經翼考正朱

子晚年定論諸書皆有功於正學至於精博古鑒一時圖書之富

比之宋田氏云

畿輔唐志

康熙十五年卒

賜祭葬如例

貳臣傳

劉餘祐字五孺宛平人

畿輔詩傳七

明萬曆四十四年進士歷知嘉興

登封河內三縣行取遷刑部郎中出知平陽府累遷河南布政使
應天府尹兵部侍郎福王時以餘祐曾降附流賊李自成定入從

賊案

本朝順治元年睿親王定京師餘祐投誠授原官六年加太子太
保七年初設六部漢尚書擢餘祐兵部尚書八年閏二月擢刑部
督少保十月調戶部先是餘祐任刑部時興安鎮總兵任珍以疑
擅殺妻妾懼罪行賄已而事覺十年二月法司勘問得實餘祐革

職杖徒永不敘用尋死

貳臣傳

著有燕香齋集八卷

四庫全書總目一百八十

華陽吳祖椿校